

«Պողոսու ծառերի բուծարանն եւ այգիք» նղբ. Գ. և Մ. Փրիդոնեանց-
մերի:

Զնայած նրան, որ Անդրկովկասը թէ իր կլիմայով և թէ հողով շատ նպաստաւոր է այգեգործութեամբ պարապելու հա-
ժար, այս վերջինս մեզ մօտ շատ դանդաղ է աճում: Խանգարող
պատճառների մէջ վերջի տեղը չի բռնում և այն հանգաման-
քը, որ մեր այգետէրերը ծանօթ չեն և չեն կարողանում շոկել
պտղատու ծառերի լաւ և շահաւէտ տեսակները, այլ աճեցնում
են այն տեսակները, որոնք դեռ պապերի ժամանակից ընդու-
նուած են այս կամ այն տեղում: Մինչդեռ արտասահմանեան
այգեգործութիւնը առաջ է բերել անագին քանակութեամբ
պտուղների նոր տեսակները, որոնք թէ իրանց պտղատու-
թեամբ, թէ դիմացկանութեամբ և թէ համով, հոտով գե-
րազանցում են տեղակայները:

Մեր առաջ դրուած նղբ. Փրիդոնեանցների հրատարակած
ցուցակը՝ ծանօթացնում և առաջարկում է մեր այգետէրերի
ուշադրութեան թէ արտասահմանեան և թէ Անդրկովկասեան
ընտիր տեսակների հետ: Նղբ. Փրիդոնեանցների պտղատու
ծառերի բուծարանը այդ տեսակ հիմնարկութիւնների շարքում
բռնած է առաջնակարգ և պատուաւոր տեղերից մէկը:

Նղբ. Փրիդոնեանցները, ունենալով բուծարանին կից սե-
փական այգիներ, նախ քան մի որևէ տեսակը գնողներին առա-
ջարկելու, փորձում են նրա յատկութիւնները իրանք: Նրանց
բուծարանի երկրորդ ոչ պակաս գին ունեցող առաւելութիւնն
է տեսակների անուանացուցակի ճշտութիւնը:

Թէ իր արտաքինով և թէ բովանդակութեամբ նղբ. Փրի-
դոնեանցների հրատարակած ցուցակը շատ տարբերում է
առհասարակ հայերէն լոյս տեսնող այդ կարգի գործերից և աւելի
շուտ յիշեցնում է արտասահմանեան և ռուսաց լաւ ֆիրմաների
հրատարակած ցուցակները:

Գիրքը ունի հետեւեալ մասերը.

ա) Տունկեր ուղարկելու պայմանները:

բ) Միքանի խօսք պտղատու այգիներ գցելու և ծառեր
տնկելու մասին:

գ) Ցուցակ պտղատու ծառերի և թփիկների:

դ) Բոյսերի հիւանդութիւնը և նրանց բժշկութիւնը:

ե) Բոյսեր բժշկելու գործիքներ և մթերքներ:

Իսկ գրքի վերջում բերուած է գինեգործութեան մէջ գոր-
ծածուող մեքենաների և գործիքների ցուցակը:

Եթէ աչքի առաջ առնենք այն հանգամանքը, որ հայ գիւղատնտեսական գրականութեան մէջ համարեա չկայ ոչ մի ձեռնարկ, որը ծանօթացնէր այգեգործութեան մէջ պահանջ-ուող նոյնիսկ տարրական ճշմարտութիւնների և հասկացողութիւնների հետ, կը հասկանանք, թէ ինչ մեծ ծառայութիւն են արել հայ այգետէրերին Եղբ. Փրիդոնեանցները, կցելով իրանց գրքոյկին ը և ն մասերը:

Գիրքը զարգարուած է մեծ թուով յաջող և գեղեցիկ կատարուած նկարներով: Ցանկալի է, որ այս գիրքը մեծ քանակութեամբ տարածուէր մեր այգետէրերի մէջ, մանաւանդ որ դրա համար առանձին ծախք չէ հարկաւոր, պէտք է միայն գի-մել Եղբ. Փրիդոնեանցներին (Ст. Скр. и Зак. ж. д. плодовые сады и питомники Бр. Г. и М. Придоновыхъ) որոնք ցուցակը ցանկացողներին ուղարկուած են ձրի:

ԵՐ. ՍԱՐ.

ՆՈՐ ՄՏԱՑՈՒԱԾ ԳՐԻՆԵՐ

- 1) Ռ. Խանազատի՝ «Իդէալիզմ թէ Մատերիալիզմ» ուսումնասիրութիւն. (արտ. «Տարագ»-ից) Թաւրիզ, 1904. գ. 10 կ:
- 2) «Լուսնեակ գիշերին» էսկիզ, Իս Էկալաձէի (Բոմանթ Կօրա) թարգմ. վրաց. Ղ. Կ. Թիֆլիս, 1904. գ. 5 կ:
- 3) Շերամի՝ «Սիրոյ Զոհեր» պօէմա, Բագու, 1904. գ. 3 կ:
- 4) Խաթակի՝ «Հարկերը Տաճկաստանում» ուսումնասիրութեան մի փորձ, Բագու, 1904. գ. 40 կ:
- 5) Ա. Ահարոնեանի՝ «Լուսթիւնը» վէպ. Թիֆլիս, 1904. գ. 60 կ:
- 6) Յուսիկ Եպիսկոպոսի՝ ա) «Հայրապետ. աթոռի մասին համառոտ տեսութիւն» բ) «Թուղթ Սիմէօնի Սոյ կաթողիկոսի առ Փիլիպ. Էջմիածնի կաթողիկոս» — (արտ. «Արարատ» ամսագրից) Վաղարշապատ, 1904. գ. 30 կ:
- 7) Հաշիւ Հայոց Դրամատիկական Ընկ. 1903/4. տարեշրջանի գործունէութեան Թիֆլիս, 1904:
- 8) Տարեւոր Տեղեկագիր Հանրական Ատենին Յանձնաձեռնաց հայազգ. հաստատութեանց Բատալիոյ վասն 1903 ամի. Նոր-Ջուղա 1904:
- 9) Ե. Թոփչեանի՝ «Լոյս» գրպանի պատկերազարդ օրացոյց 1905 թ. գ. 20 կ: